

OKETOPA2025
KAAHUITANGA O TE ATUA HAAHI O AOTEAROA



ASSEMBLIES OF GOD
CHURCHES IN NEW ZEALAND INC

Tukuna atu ahau



Māori
He inoi

Kia Ora

E mihi aroha ana au ki a koutou katoa kua hikina te taki ki te inoi mō nga rā 21. Kia pērā anō ki tērā tau, ko te manako ia mā te inoitahi me te whakamahinga o ēnei kōrero o te pukapuka nei e whakarite he tuapapa mō te hui-ā-tau o AGNZ kei te tū mai nei. He wā whakapiki oranga, whakakaha whakapono ki te Atua me te honongatahitanga ki te tangata, ā, hei tōna mutunga ka pakari ake tatau kia hoake.

“Tukuna atu ahau,” tō tātau kaupapa. Nō te poropiti a lhaia i muri i tana kitenga i te Atua e noho ana i runga i te torona, he tiketike, he mea whakarewa ake ki runga. Kāore e kore, he uaua ki te whai kupu mō taua wheako, heoi, mā te aroha noa ka āta kite me te hanga whakamīharo mō ngā panonitanga o te korōria ki te korōria i roto i a la.

Ko tā mātau, ko te tīma tumanako kia whakawhānui ake te māramatanga nō lhu Karaiti tō tātau katoa. Kia mōhio pū tātau ki a la ki Tōna aroha noa, me te mana, me te mahi o te Wairua Tapu. E whakapono ana mātau, kei te hanga mai la i a tātau, anō he takitahi, he takitini, he Tira haere e whakaatu ana i Tōna aroha me te ora. Kia puawai la ki roto i a tātau katoa, kia ora ai, kia kori ai, kia pupū ake te aroha atu anō hoki.

Kia rite mō te hui nei ki te āta whakarongo ki te reo o te Atua ki tēnā, ki tēnā o tātau, ‘Mā wai e haere mā tātau...?’ I roto i ngā wā nunui me ngā wā iti pounamu rā.

Kaua e ohorere ki te reo hou i roto i tēnā, i tēnā o tātau e whakahoki kōrero ana, ‘Anei ahau, tukuna atu ahau.’

Ngā mihinui,

nā Terry Bradley
AGNZ Kaiwhakahaere Matua




Mane 22 o Hepetema

Rā Tuatahi

I te tau i mate ai a Kīngi Utia i kite ahau i te Afiiki e noho ana i runga i te torona, he tiketike, he mea whakarewa ake ki runga, kī tonu anō hoki te temepara i Tōna tāhuhu. I tū atu ngā herapima i runga ake; e ono ngā paírau o tēnā, o tēnā: i hipokina e ia tōna mata ki tētahi rua, ōna waewae ki tētahi rua, ā, kia rere atu ki tētahi rua. Ā, ka tangi tētahi ki tētahi atu: “He tapu, he tapu, he tapu, a Ihowā o ngā mano; kī katoa te whenua i Tōna korōfia. I oioi anō ngā pou o ngā tatau i te reo o tērā i karanga rā, kī tonu te whare i te auahi. Nā, ko tāku kīanga ake: “Auē te mate mōku! Ka ngaro hoki ahau; he tangata ngutu poke hoki ahau, e noho ana i waenganui i te iwī ngutu poke; kua kite nei hoki ōku kanohi i te kīngi, i a Ihowā o ngā mano!” Nā, ko te rerenga mai o tētahi o ngā herapima ki ahau, he waro mura i tōna rīnga, he mea tango mai e ia i te āta ki te kokopi. Whakapāngia mai ana e ia ki tōku māngai, me tāna kī mai, “Nāna, kua pā tēnei ki ōu ngutu; nā, kua ūro tōu hē, kua murua tōu hara.” Nā, ka rongo ahau i te reo o te Afiiki e mea ana, “Ko wai ka hua, ko wai ka tohu, kia haere ai mā tātou?” Ka meatia e au, “Anei rā! Tukuna atu ahau.” Ihaia 6:1-8

Hei inoi

- Murua ō mātau hara Pāpā nā te paru ka puta i ō mātau ngutu. Parea ahau ki te hihopa, ā, ka mā ahau; horoia mātau ka mā kē atu i te hukarere. Hanga he manawa hou, e te Atua, hohoua Tō Wairua ki roto i tō tātau tira haere. (Ngā Waiata 51)
- E mihi ana mātau ki a Koe Ihu Kara mō te hekenga o tō toto kua horoia mātau kia mā kē atu i te hukarere, ā, ka whai nohoanga ki te whānau o te Atua. E mihi ana mātau ki a Koe me te mana o Tō toto anō he reo e kaha ake tonu ki roto ki ō mātau whānau, ki ō mātau whare karakia, ki tō mātau iwi anō hoki.
- (Hoani 15) Tapahia katoatia aua mea ehara nōku, aua mea anō kore whaihua ki tōku ngākau me tērā o ngā whare karakia. Whakaaria mai Tō atawhai, whakaaro nui, hoa piripono me ngā hononga whai rautaki kia puta ki te ao marama, ki te ao whānui e ai ki Tō mahere matua.
- Pou whāinga ā-rohe/ ā-motu/ ki te ao: Me inoi mō ngā māmā, pāpā, whānau anō ki ngā taone. Hikina ki te Atua ngā mema o te Paremata me rātau katoa e mahi ana ki Paremata. Me inoi mō Julian rāua ko Monica Hawken (Haina, kei Aotearoa) Robert rāua ko Margaret Hunt (Philippines, kei Aotearoa) Paul rāua ko Jung-Dae Lee (kei Turkey).NZ based) Robert and Margaret Hunt (Philippines, NZ based) Paul and Jung-Dae Lee (Turkey)



Turei 23 o Hepetema

Rā Tuarua

“E ora hoki ngā tāngata katoa e karanga ana ki te ingoa o te Afiki.”
Nā, me pēhea tā rātou karanga ki a Ia, ki te kahore i whakapono ki
a Ia, ki te kāhore i rongo ki a Ia? Me pēhea hoki e rongo ai, ki te
kāhore he kaikauwhau? Ā, me pēhea e kauwhau ai, ki te kāhore e
tonoa? Ko te mea ia I tuhituhia, “Anō te ātaahua o ngā waewae o te
hunga kawē mai I te rongo whakahaī o ngā mea papai!”
Roma 10:13-15

Hei inoi

- Ka whakanuia te Wairua Tapu e au mō Tōna whakapono ki a au, kia tukuna atu au ki taku hāpori me te rongo papai katoa. He māia ahau ki te Rongo Pai o ‘te matenga me te aranga o Ihu Karaiti’. E whakapono ana ahau ki te Rongo Pai o Ihu Karaiti ‘ko te kaha hoki ia o te Atua hei whakaora mō ngā tāngata katoa e whakapono ana’. (Rom 1:16)
- Ka whakapuaki mātau kua mau tō tātau Matua nui i te rangi i te Kaahuitanga o te Atua i Aotearoa mōna ake. Karangatia mai mātau ki te rangapū me ngā haerenga whakapono tahi tātau. Ko mātau ngā tono a i Ia, pokohiwi ki te pokohiwi e haere ana ki tēnā, ki tēnā reo, ki tēnā, ki tēnā iwi.
- Ko te whakaputanga mā te tukuna o te Rongo Pai e whakaawe, te tūrangawaewae o te Kaahuitanga o te Atua i Aotearoa e tāpiri atu ki te takirua ki Aotearoa mā te 2033, ā, he puna whakapaingia tō tātau iwi me ērā atu tū whakahaere.
- Pou whāinga ā-rohe/ ā-motu/ ki te ao: Me inoi mō ngā paakihi o te hāpori ki tō taone. Hikina ki te Atua te pāho Aotearoa, kaiwhakapāoho me ngā kairangahau, kaituhituhi. Me inoi mō Avi rāua ko Robyn Mani (kei Turkey) M rāua ko D M (kei Asia/Turkey) Kevin rāua ko Denise Reid (kei Aotearoa).


Wenerei 24 o Hepetema

Rā Tuatoru

“I meinga ai ahau hei minita mā Ihu Karaiti ki ngā tauiwī, hei minita i te rongopai o te Atua, kia manakohia ai te whakahere o ngā tauiwī, he mea whakatapu nā te Wairua Tapu.” Roma 15:16

Hei inoi

- E Pā, e mihi ana mātau ki a Koe mō Tō kupu Nāu I homai ki a mātau mō ō mātau hāpori e ora nei, e mahi nei. Mā ō mātau reo e wetewete tērā e koi rawa atu i tētahi hoari matarua.
- Ka inoi mātau mā Ōu kupu ka tukuna e mātau e ngoto tonu, ā, wehea noatia te ngākau me te wairua, ngā ponapona me te hinu wheua, ā, whakawā ana anō I ngā whakaaro, I ngā hihiritanga o te ngākau o rātau kua rangona.
- Ka whakapuaki mātau mā ngā tau e heke mai nei ka kauwhautia te rongopai katoa ki ngā whare karakia katoa. Ka kite ai ngā tohu me ngā mea whakamīharo i whaitohungia e te ripeka me te aranga o Ihu Karaiti.
- Whakamoemititia te Wairua Tapu, Nāna nei mātau i whakakaha ki te tū ki waenganui i a Koe me tea o kore whakapono. Whakaakona mai, arahina mai mātau kia piki haere tō tātau whare hei whare ki te inoi mā ngā iwi katoa o te ao e kitea tō rātau kainga ki roto i a Koe.
- E te Atua, ka inoi mātau ki a koe kia whakawhānui ake, ki te hohonutanga anō i ō mātau kaha ki te inoi mō te hunga kore whakapono kei roto i ō mātau ao. He ngaki whenua ō mātau ki ngā hāpori nāu i tohu mai, ā, ka ngaki mā ō mātau inoi.
- Pou whāinga ā-rohe/ ā-motu/ ki te ao: Me inoi mō te ao toi kei tō taone. Hikina ki te Atua Te Ture Pāpori o Aotearoa, ngā pirihimana, ngā rōia, ngā apihā o Te Ara Poutama, ngā apihā ki ngā hāpori me ngā kaimahi ki ngā whare kooti. Me inoi mō John rāua ko Mary Elliott (kei Aotearoa), Jason rāua ko Judy Fawcett (kei South Africa), Karen Gower (kei UK, Israel anō).



Taite 25 o Hepetema

Rā Tuawhā

“E kore hoki ahau e māia ki te kōrero ki ētahi mea, ko ngā mea anake kua mahia e te Karaiti nā roto i ahau, hei mea kia ngohengohe mai ngā tauiwí, arā, nā tāku kupu, nā tāku mahi, i runga i te kaha o ngā tohu, o ngā mea whakamīharo, i runga i te kaha o te Wairua Tapu; nō ka whakapaua e ahau te kauwhau i te rongopai o te Karaiti atu i Hiruharama, ā taka noa, ki Irínikuma rawa.” Roma 15:18-19

Hei inoi

- E te Ariki a Ihu e rere ana ngā mihi ki a koe, “nā kua mā mātau i te kupu i kōrerotia e koe ki a mātau”. He kōingo nō mātau kia ū mātau ki roto i a koe, me koe hoki ki roto i a mātau. Ko tā mātau hiahia kia maha atu ai ōna hua mā te ū rawa ki roto i a koe te aka matua. (Hoani 15)
- E te Wairua Tapu whakakī mai mātau anō. Whakaaria mai anō he nui atu koe ki a ia ki roto i te ao, ā, he kaha ngā rākau o tā mātau pakanga i roto i te Atua hei whakahoro i ngā pā kaha.
- E whakapuaki ana mātau ki te mana whai-oranga o te toto o Ihu ki ngā hoariri katoa o ō mātau whānau, whare karakia, tira haere me tō mātau iwi. Ko te whakaputanga he pai ake te reo o te toto o Ihu ki ngā tuhinga, ki ngā kōrero hoki mō mātau nō ngā hoariri o te Atua.
- He whakapuaki nō mātau e tino kitea ana te Wairua Tapu ki roto i ngā tāne, wāhine, tamariki katoa o ō mātau whare karakia. Mā te whakapono me te whātoro ake o ngā ringa ka kitea mārika te Wairua Tapu me ōna āhua katoa ki te panoni i te tauoranga o te tangata.
- Pou whāinga ā-rohe/ ā-motu/ ki te ao: Hikina atu tō mea me tō kaunihera, ngā kaiako, ngā kaitiaki tamariki puta noa i te motu. Me inoi mō Colin rāua ko Jenny Ayling (Mozambique, kei Aotearoa) Val Bateup (Thailand, kei Aotearoa) Malcolm rāua ko Linda Bayliss (SE Asia, kei Aotearoa).


Paraire 26 o Hepetema

Rā Tuaʻima

“Āe rā, ko ia tēnei tāku tohe ki te kauwhau i te rongopai, ehara i te mea ki ngā wāhi kua whakahuatia nei a te Karaiti ki reira, kei hanga whare ahau ki runga ki a tētahi atu tūranga. Engarī, kia ōrite ki te mea tuhituhia: “E kite te hunga kīhai nei i kōrerotia ia ki a rātau, ā, e mātau te hunga kīhai i rongo.” Roma 15:20-21

Hei inoi

- E te Atua Matua, e whakawhētai ana mātau ki a Koe mō Ō mahi tuitui i a mātau tahi ko te Kaahuitanga o te Atua whānau. Nō konā, ā, mā tō tātau tuakana a Ihu e āpiti hono ki ngā oati me te ahi kā roa. E harikoa ana mātau i whatia e Ihu ia pātū me ia ārai.
- E te Matua i te rangi, e whakamoemititia ana Koe i te tukuna o Tō Tama a Ihu hei taurua anō mā mātau nāna i whakatinana mai he aha tēnei mea hei ‘tukuna’ ki ō mahi me te whakatō whakaponono ki ngā hāpori hou.
- Murua ō mātau hara me ō mātau hari kua kitea, ā, auare ake te hari ki te haere.
- He whakapuaki nō mātau kia rongo whānui te ao ki te aroha nui o te Kaahuitanga o te Atua ki te Hui-ā-tau anō ki te hunga kāore anō ka mōhio ki a Koe.
- Hurihia ō mātau ngākau: kia pīata mai te aroha o tētahi ki tētahi ā kia marama ake, kia marama ake hei rama anō mō te hunga kore whakaponono.
- E te Wairua Tapu homai he rūmaki aroha noa me te hūmārie ki tō tātau tira. Kia whakatūwhera mai te papa mō ngā tūnga katoa, me ngā tākohā katoa o te tangata. Kia tū, kia oho, kia tukuna atu ki ngā wāhi mō te whakatipuranga o tētahi whare karakia hou. Kia whakahōnore te whakahere ora o Ihu mā te hauhake i Aotearoa NZ.
- Pou whāinga ā-rohe/ ā-motu/ ki te ao: Whakapaingia me te inoi mō ngā whare karakia katoa a pā tata atu ki tō kainga noho. Pātai atu ki te Atua ki te hoatu he whakaaro nui me te iringa hou mō ngā rangatira katoa o ia haahi Karaitiana i Aotearoa. Me inoi mō Heather Bourn (kei France) Max rāua ko Dorothy Chismon (SE Asia, kei Aotearoa) Benjamin rāua ko Phoebe Coenradi (kei Africa).



Hatarei 27 o Hepetema

Rā Tuaono

“Nanā, ka mahi tūpato tāku pononga, ka whakatiketiketia ia, ka hāpainga ki runga, ā, ka tiketike rawa atu. Pērā i te tini i mīharo ki a koe i kino iho hoki tōna kanohi i tō te tangata, tōna āhua i tō ngā tama a te tangata waihoki he maha ngā iwí ka tāuhiuhia e ia; ā, ka kopi te māngai o ngā kingí ki a ia. Nō te mea ko ngā mea kīhai i kōrerotia ki a rātau ka kitea, ko ngā mea kīhai i rangona ka mōhioia.” Ihaia 52:13– 15

Hei inoi

- Murua ō mātau hara e te Matua i te rangi mō aua wā e ngākau kore ana mātau ki te kawē tō tātau ripeka pērā i a Ihu. Homai te aroha me te aroha noa. Kia kite anō mātau i Tō manaakitanga hei aki mātau ki te huri i te hē me te whai muru, me te āta wetewete, kia whakaaro nui, kia hūmarie te tū me te hikina atu anō tō tātau ripeka.
- Whakawhānui ake ō mātau titiro ki te hāpori Nāu mātau i tono atu kia rite ki Tō kitenga. Patua ō mātau ngākau ki ngā patu o Tō ngākau. Whakapanoni ō mātau ngākau. Kia pupū ake i roto i ō mātau ngākau he aroha ki te te hunga anō he hipi kāore ō rātau hepara.
- Ka whakapuaki mātau he tira te Kāhuitanga o te Atua i Aotearoa i tohungia e Ihu Karaiti ki ngā nohoanga tata, ngā taone o tō tātau motu. Hei whakapaoho te herekore i roto i te Karaiti, kia takai i te ngākau marū, ā, kia whakaorangia ngā tūrora.
- He whakaputanga nō mātau ka ara ake ngā whakatōnga o ngā āpotoro, poropiti, karere rongopai, hepara, kaiako anō ki tō tātau tira. Ka whakaritea, ka puta ia tane, ia wahine, ia tamaiti ki te hauhake.
- Ka inoi mātau mō Ps Terry tō tātau Kaiwhakahaere Matua me te tīma Whakahaere, kia tū māia rātau ki te arahi tō tātau tira, kia whiwhi hoki rātau ngā rautaki mātau.
- Pou whāinga ā-rohe/ ā-motu/ ki te ao: Me inoi mō ngā kaitiaki me ngā kaimahi toko i te ora ki tō taone. Kia tū te hunga auaha, te hunga whai ngira tuitui ki Aotearoa. Me inoi mō Sam rāua ko Carol Soukotta (kei Indonesia) Rod rāua ko Lynley Talbot (kei Africa).

Rātapu 28 o Hepetema

Rā Tuawhitu

“Nā, me whakawhetai ki te Atua e mea tonu nei i a mātau kia whakamanamana i roto i a te Karaiti, e whakaatu nei mā roto i a mātau i te hā o tōna mātauranga i ngā wāhi katoa. He kakara pai hoki mātau nō te Karaiti ki te Atua, i runga i te hunga e whakaorangia ana, i runga anō i te hunga e whakangaromia ana. Ki tetahi he kakara nō te mate ki te mate; ki tetahi he kakara nō te ora ki te ora. Ā, ko wai e tau mō ēnei mea?”
2 Kōfīniti 2:14-16

Hei inoi

- E whakanui ana mātau i a Koe e te Matua i te rangi mō ō mahi kore mutu, mōhou anō e ū ana ki te kaupapa. E kōkiritia nei e Koe ki te whai i te hunga kore whakapono, matua pū tēnā ki a Koe. E te Matua, kei te harikoa mātau ō tamariki ki te whiwhi iri whakapapa Ōhau. E te Matua, ka whakatapu au i a au anō ki te mahi Nāhau i homai hei mahi māku.
- Murua ō mātau hara mō ngā wā i hinga mātau ki te whakamōhio atu ki ētahi atu ki te koa ki te mōhio ki a Koe nā te matakū, whakaaro whāiti, whakamā rānei. Murua mātau mō te tuku kore i ngā whakapainga o tō tātau hononga ki a Koe. Ka tupou ō mātau mahunga me te whakapuaki ō mātau hē e rerekē ana ki a Koe he kāpō ki te wairua o ō mātau hāpori.
- E whakaputa ana mātau hei nāianeī ka tū te Kaahuitanga o te Atua i Aotearoa hei hunga mahi e kōkiritia ana ki te hauhake e rite ana. ‘He kaimahi o te Atua tō tātau tuakiri, ā, he whare tangata i hangaia e la mō te huihuinga o ngā iwi’.
- Kei te whakawhētai mātau ki a Koe mō te aranga ake me te tukuna atu i ngā taonga o ngā Āpōtoro, Poropiti, Kaikawe Rongopai, Hepara, Kaiako anō puta noa i tō tātau tira. E mihi ana mātau ki a Koe mō te hūmārie me te aroha ā tētahi ki tētahi e whai wāhi ana anō he karanga ki ngā taonga o tetahi atu.
- Pou whāinga ā-rohe/ ā-motu/ ki te ao: Me inoi kia tipu mai te tumanako ki roto i ngā ngākau o te hunga e pēhia nei e ngā herekino me te mate pōuri ki tō taone. Me inoi kia huri ngā ngākau o ngā tamariki ki ngā pāpā, ā, kia huri anō ngā ngākau o ngā pāpā ki ngā tamariki. Kia inoi mō Hilary rāua ko Jackie Tumusiime (kei Uganda) Robin rāua ko Margaret Aim (kei Kenya) Peter rāua ko Helen Brown (kei te Philippines).

Mane 29 Hepetema

Rā Tuawaru

“Nā, ka mātau nei mātou ki te wehi o te Atua, ka kukume mātou i ngā tāngata, otirā, e kitea ana anō mātou e te Atua; ā, e ū ana tōku whakaaro, kua kitea anō mātou e ō koutou hinengaro.”
2 Kofīniti 5:11

Hei inoi

- Whakamoemititia te Wairua Tapu mō Tō mana ki te whakatutuki mahi Nāu i homai ki a mātau. E hari ana mātau i tō tukunga mai i a mātau tahi kia huri ai tō tātau hāpori. Kia honohono mai ō mātau whare karakia anō he toka pounamu i reira tonu tō korōria e ora ana.
- Murua ō mātau ngoikore, hei ngā wā tē kitea mātau i a Koe i roto i tetahi atu, ā, kua hē te whiu o ō mātau kupu. Homai ki a mātau te aroha noa ki te murua ngai tātau me te kite mārika i Tō rangatiratanga kei roto i tēnā, i tēnā. E te Ariki, ka huri ō mātau ngākau ki a Koe me te whai whakaaro ki ngā tāngata kia pai ake i a mātau.
- He whakapuaki nō mātau mā te wairua o te aroha me te humārie o tō tātau tira e whakatūwhera mai te rangi. Ūhia mai Tō korowai ki tēnā, ki tēnā o Tō iwi i roto i ō tātau whare karakia ki te hauhake. He taonga hou mō te haerenga me ngā mahi ki ngā wāhi mahi, nohoanga tata me ngā whare karakia kua tonoa mātau e Koe.
- Whakapuaki mātau ka tohungia tō tātau tira mā te wehi ki te Atua. Kia tapu mātau Tō iwi; he tapu hoki Koe. Tēnā, ko te inoi māhau e whakapai Tō temepara mā Tō aroha noa me te tapahi ngā herekino katoa e kore e whakanui ana i Tō ingoa.
- Pou whāinga ā-rohe/ ā-motu/ ki te ao: He whakahau kia whakapaingia te Wairua Tapu i te tonga o Te Waipounamu. Kia haumarua te Atua me te whakawāhi a Ps Peter Neklen me ngā minita o taua takiwā. Me inoi kia whakapaingia tō mātau Kaiwhakahaere Matua a Ps Terry me Rowena Bradley mō te kaha, whakarato me te mātauranga. Me inoi mō Kay Fountain (Asia Pacific, kei Aotearoa) Allen rāua ko Elizabeth O’Loughlin (kei UK) Doug rāua ko Kalinda Lichtwark (kei East Asia) M rāua ko K T (kei SE Asia).

Turei 30 Hepetema

Rā Tuaiwa

“Ko te pūtake ia o ngā mea katoa ko te Atua, i hohou nei i tā tātau rongo ki a Ia i runga i a te Karaiti, ā, homai ana e Ia ki a mātou te minitātanga o te houhanga rongo.” 2 Kōfīniti 5:18

Hei inoi

- E te Atua Matua, he mīharo Ō kupu me Ōu pono ki tō tātau tira i roto i ngā tau kua pahure ake. Ka whakawhētai atu mātau ki a Koe ahakoa e pēnei mai mātau ka mau tonu mātau e Koe Mōhou ake.
- Tēnā Koe mō te tirohanga whānui, te whakakitenga, te aroha noa me te mana i homai ki te Tira o te ao nei kia taurua te rahi mā te 2033.
- He whakamoemiti ki te Wairua Tapu, e whakaae ana mātau ehara i a mātau te mana, te kaha rānei engari mā Tō mana anake ka oti. Kia tau te humārie ki a mātau, ā, kaua e paheke ki ō mātau kaha engari kia ū ki Ōu tū whakahaere.
- He mihimaioha ki a Koe kia tohungia mai ki a mātau aua wāhi ehara a Ihu Karaiti i te Ariki. Whakaatu mai i ngā mea tūkinō i roto i a mātau. Whakatata mai ki a mātau, ā, homai anō te kaha ki te whakakorengia aua mea kāore i te tapu, kāore i te whai take hoki mō te mahi kua tonoa.
- E whakaae ana mātau ki te whakahau nei he tira whakatinana i te reo o te Atua te Kāhuitanga o te Atua i Aotearoa ahakoa hui ā–tau, he aha rānei.
- Pou whāinga ā–rohe/ ā–motu/ ki te ao: He whakahau kia whakapaingia te Wairua Tapu i te puku o Te Waipounamu. He inoi ki te Atua hei whakaruruhau me te whakawāhi a Ps Jonathan Hales me ngā minita o taua takiwā. Me inoi kia whakapaingia tō mātau Kaiwhakahaere Tuarua me te kaiarahi o ngā iwi o Hāmoa a Ps Lau rāua ko Nancy Faletutulu mō te kaha, whakarato me te mātauranga. Kia taurua te whakapai ki ngā whare karakia Hāmoa katoa me te tukuna o ngā kaiwhakatū whare karakia Hāmoa. Me inoi mō John rāua ko Linda Watson (kei Aotearoa) David rāua ko Pushpa Waters (kei SE Asia) Ken rāua ko Erla Virtue (kei te Philipines)

Wenerei 1 o Oketopa

Rā 10

“Arā, i roto te Atua i a te Karaiti e hohou ana i tā te ao rongo ki a ia, kore ake i whakairāia ki a rātou ō rātou hē; ā, kua tukua mai ki a mātou te kupu mō te houhanga rongo.” 2 Kōfīniti 5:19

Hei inoi

- Ka whakamoemiti mātau ki te hunga wairua, rātau ko ngā māmā me ngā pāpā me tō rātau aroha motuhake ki te Ariki a Ihu nā rātau, ō rātau ao i tuku ki te Wairua Tapu hei kaiwhakakite i Aotearoa.
- E te Atua Matua, ka uia mātau ki a Koe pērā ki te wā ka tahuna e Koe te ahi tuatahi i Pentecost i runga i ō mātau wai ... ka ahu mai anō te aroha–tuatahi ... kia whakaaria mai te wehi e ai ki hunga kē e here ana mātau.
- E te Ariki Ihu kei te whakawhētai atu māau ki a Koe mō te ahikā o Pentecost e tahu ana i roto i ngā tāne, ngā wāhine, ngā tama me ngā kotiro o ia reo, o ia iwi, o ia reanga ki tō tātau whenua. E whakawhētai ana mātau ki a Koe e te Wairua Tapu kua ū ki tō kainga i roto i a mātau, ā, kua ū ki tō mātau kainga i roto i a Koe.
- Ka whakapuaki mātau kia whakapaingia te Atua Matua o tō tātau Ariki a Ihu Karaiti i te ahurea maha, reanga maha, mahi ā–iwi ki tō tātau hui ā–tau, tira anō hoki ā āke tonu atu.
- Kei te karanga atu mātau ki te reanga hou o te whakapono me te tumanako kei roto i a Ihu Karaiti mō Aotearoa whānui. Kia waiatatia e Aotearoa he waiata hou e whakamoemiti ana ki te pai o te Atua me te mahi i mahia nei e Ihu.
- Pou whāinga ā–rohe/ ā–motu/ ki te ao: He whakahau kia whakapaingia te Wairua Tapu i te raki o Te Waipounamu. Kia haumaruru te Atua me te whakawāhi a Ps Ross Ferguson me ngā minita o taua takiwā. Me inoi kia whakapaingia tō mātau Mema Whakahaere me te Kaiarahi o ngai Māori a Ps Mina rāua ko Dennis Acraman kia māia, rapu orange me te mātauranga. Kia taurua te whakapai ki ngā whare karakia Māori katoa me te tuku kaiwhakatū whare karakia. Me inoi mō Solomon rāua ko Sola Chand (kei Nauru) J rāua ko C M (kei Indonesia) Hamish rāua ko Haidee Betts (kei Singapore).


Taite 2 Oketopa

Rā 11

“Otirā, kia heke mai ki a koutou te mana o te Wairua Tapu, ko koutou hai kaiwhāki mōku ki Hiruharama, ki Hūfā katoa, ki Hamarā hoki, ā tae noa ki te wāhi mamao o te whenua.”
Ngā Mahi 1:8 He Tīmatanga

Hei inoi

- E te Atua Matua ka whakamoemiti atu ki a koe mō te Wairua Tapu, te Kaiwhiriwhiri whakahirahira, he kaitohutohu rautaki, nōna te mana hei patu ngā tūkino o te rewera.
- Nau mai, haere mai e te Wairua Tapu ki Aotearoa. Māhau e whakapanoni, e whakahou anō tō tātau haahi ki roto i ngā kiri waina hou mō te waina hou.
- Tēnā, whakatūtū mai ngā whare karakia hou me ngā hāpori whakapono hou. Māhau ngā kiri waina e whakakī ki te waina hou hei ngā tau kei te heke mai nei mō te aranga o ngā kaiwhakapono. Koia te hunga e whakapono ana ki te hauhake me te whakaākona kaiwhakapono o ngā iwi whānui o te ao.
- He whakahau tēnei kia tapahi ngā herekino, ngā kangakanga, ngā mate waranga, mate whānui me ngā māuiuitanga mā te toto o Ihu Karaiti. Ka tapaina te toto o Ihu Karaiti ki tō tātau whenua katoa. I roto i te ingoa o Ihu Karaiti ka herea ngā hoariri o te Atua, kia wetehia ngā pā tū, ā, pana atu ngā rewera katoa kia puta atu.
- Pou whāinga ā-rohe/ ā-motu/ ki te ao: He whakahau kia whakapaingia te Wairua Tapu i Te Whanganui a Tara. Kia haumaru te Atua me te whakawāhi a Ps Paul White me ngā minita o taua takiwā. He inoi mō Ps Paul White me tana mahi hei arahi ngā tāne o tō tātau tira. Ka inoi hoki ki te Atua Māna e hāpai ake te mana wairua o ngā tāne ki te poipoi o rātau whānau, nohoanga tata, whare karakia, wāhi mahi anō hoki. Me inoi kia whakapaingia tō mātau Mema Whakahaere a Ps Mike rāua ko Michelle Coe mō te māia, he whakarato me te mātauranga. Homai te aroha noa me te mana ki te hāpai ake me te tuku kaihanga whare karakia me ngā kaikōkiri o wāhi hou. Kia inoi anō hoki mō Philip rāua ko Sarah Hawken (kei Kenya) Dave rāua ko Heidi Fraser (kei Cambodia).



“He kaikawe karere o te Karaiti mātau; ko te Atua tēnei kei roto i a mātau e karanga ana. Ka kōrero mātau mō te Karaiti inā ka inoi mātau, “Hoki mai ki te Atua!” 2 Kōrīniti 5:20

Hei inoi

- E te Atua Matua ka tupou ō mātau mahunga ki mua i a koe, ka whakanuia, ka whakamoemititia me te korōria katoa ki a koe mō āu mahi katoa kua mahia nei e koe me ō oati hei tutuki ki ō mātau whānau, taone, whare karakia, iwi anō hoki.
- Hanga whakamīharo ki ō mahi raranga i a mātau me he mea hou kei roto i tō tātau tira haere. Whakatinanahia tonutia ō hiahia kei roto i a mātau e te Matua, kia oti tāu i timata ai, ā, uhia mai tō korowai aroha ki a mātau mō te hui-ā-tau me ngā tau kei te heke mai. Mahi i te mahi pūtake i roto i a mātau i runga i tō ingoa tapu.
- E te Atua ka whakawhētai atu ki a koe mō ngā tāngata o te whenua nei. Tēnā rawa atu koe mō te tangata whenua i rangona, i pārekareka ki te rongopai, ā, ka tukuna atu ki te whakapāoho te kupu me te hanga i ngā whare karakia. He whakamoemiti ki a koe mō ngā ahikā i tahuna ki roto i ngā iwi, me ngā hapu. Pupuhi mai te hau e te Wairua Tapu ki aua ahi. Ka karanga atu ki ngai Māori o tēnā iwi, o tēnā iwi o te motu nei ki te haramai ki Ihu ōKaraiti me te orange i roto i tōna ingoa.
- E te Ariki a Ihu Karaiti, he honore ki a koe mō te kitenga hou me ngā rautaki hou ki te whakapakari i ngā kaiwhakapono me te whakatū i ngā whare karakia. Ko tā mātau inoi kia āta rongo, kia āta titiro hoki mātau o ō mātau whare karakia ki ngā auē o te hunga ngoikore, e pēhia nei e te mamae, he waranga, he kainga kore rānei. “Tukuna atu ahau e te Ariki, mā te aroha, mā te whakapono, me te mana kia wetehia ngā here kia rere atu”.
- Pou whāinga ā-rohe/ ā-motu/ ki te ao: E te Wairua Tapu, whakataka te hau ki te uru. Kia haumaruru te Atua me te whakawāhi Ps Paul Cornish me ngā minita o taua takiwā. Ka inoi mō Ps Pip Batten me tana mahi kaiarahi wāhine, ā, kia ara ake te Atua i ngā wāhine tū pakari nei ā-wairua me te mana ki te poipoi i ō rātau whānau, nohoanga tata, whare karakia, wāhi mahi anō hoki. Me inoi kia whakapaingia tō mātau Mema Whakahaere a Ps Sanjai rāua ko Sunitha Kandregula mō te kaha, whakarato me te mātauranga.


Hatarei 4 Oketopa

Rā 13

“Na reira, haere mai, maku koe e unga ki a Parao, a mau e whakaputa mai taku iwi, nga tama a Ihairaira, i Ihipa. Na ka mea a Mohi ki te Atua, He aha ahau, kia haere ahau ki a Parao, kia whakaputa mai hoki i nga tama a Ihairaira i Ihipa? A ka mea ia, Kei a koe tonu ra ahau: ko te tohu ano tenei mou ka unga nei e ahau: ka whakaputaina mai e koe te iwi i Ihipa, ka mahi koutou ki te Atua ki runga i tenei maunga.” Ekoruhe 3:10-12

Hei inoi

- Ko koe e te Atua e Ihu i haere ki te ao katoa, ā, ka tukua hoki o mātou hoa ki te ao. Nei rā matou e tuku ana i te reo whakawhētai mo tou aroha, kia tukuna hoki taua aroha ki te ao.
- E te Atua, e Ihu, murua o mātou hara, mo tā mātou kore atawhai, kore tuku aroha, ā kore hāpai i te mana o ou pononga, me ngā taonga tuku iho kua taakohatia e koe ki tēna tangata, me tēra tangata. Hōmai ki a mātou te kaha ki te rongu i ngā reo o ou pononga.
- Ka tiro mātou ki te mauī me te matau. Ka rongu ā, ka tukuna, a ka karanga atu kia ara ake, te Apotoro, Poropiti, Kaikauwhau i te Rongopai, Hēpara me ngā Kaiwhakaako.
- Whakapuakitia he wā hou kei mua i a tātou Te Huihuinga o te Atua o Aotearoa; ka rongu mātou i te Kotahitanga o ēnei taonga tuku iho e rima, kua tukuna ki te hauhake. Ka rongu mātou i te whakaoranga wairua e mau tonu ana, me te whakaako ākongā mo ngā tekau tau kei te eke mai.
- Pou whāinga ā-rohe/ ā-motu/ ki te ao: Whakapuakitia te manaakitanga me te riringi o Te Wairua Tapu ki runga i te rohe o Te Tairāwhiti, o te Ika a Māui. Tangi atu ki a ia kia tiaki, kia hiiritia a Pāhita Sajan Easow me ngā pāhita katoa o taua rohe. Inoi atu ki a ia kia tū te Kaahui Whakapono hei whare haumarū, he whare koa mo ngā tamariki o te motu. Whakapuakitia kia tipu te ngā tamariki ki roto i ngā haahi katoa o te motu ki te mōhiotanga o te Ariki. Hikina ki roto i ou inoi a Pāhita Sarah Coupe i a ia e arahi ana, ā i a ia e tiaki ana i te pūtea o te Tari Matua.



“Na ka mea a Mohi ki te Atua, Na ka tae ahau ki nga tama a Ihairaira, ka mea ki a ratou, Na te Atua o o koutou matua ahau i ngare mai ki a koutou; a ka mea mai ratou ki ahau, Ko wai tona ingoa? Me pehea atu ahau ki a ratou? Na ka mea te Atua ki a Mohi, Ko AHAU ANO AHAU NEI: i mea ano ia, Kia penei atu koe ki nga tama a Ihairaira, Na te AHAU NEI ahau i ngare mai ki a koutou.”
Ekoruhe 3:13-14


Hei inoi

- Whai i te Wairua Tapu ā pānuitia a 1 Pita 2 (ki raro nei) ā tukurua hei reo korowai ki runga i te tangata, ngā taone, tō haahi, me ngā iwi o te ao whānui..... Purua ngā ingoa o te tangata, to taone, to haahi me ngā iwi o te ao ki roto i ngā taiepa tūtika [].
- Ko koutou [] he iwi whiriwhiri, he tohungatanga kingi koutou [], he iwi tapu, he iwi kua riro pu mai ma te Atua; ko koutou [] hei whakapuaki i nga pai o te kaikaranga i a koutou [] i roto i te pouri ki tona marama whakamiharo. I mua ehara i te iwi, inaianei ia he iwi na te Atua.
- Pou whāinga ā-rohe/ ā-motu/ ki te ao: Whakapuakitia te manaakitanga me te riringi o Te Wairua Tapu ki runga i te rohe o Te Moana—a-Toitehuatahi. Tangi atu ki a ia kia tiaki, kia hiiritia a Pāhita Dennis rāua ko Pāhita Mina Acraman me ngā pāhita katoa o taua rohe. Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te mema Rūnanga a Pāhita Joseph raua ko Pāhita Lisa McCauley.
- Inoi atu ki a ia kia paiheretia te rangimārie ki runga i a Hiruhārama me te whakaora wairua o Ihairaira. Kia whakaūngia rātou ki roto i te aroha noa o Te Ariki a Ihu Karaiti, me te whakanui i te whakatutukitanga o ngā ōati tawhito ki te iwi Hūrai.

“Na ka tahuí atu a Ihowa ki a ia, ka mea, Haere i runga i tenei kaha ou, whakaorangia hoki a Iharaira i te rúnga o Miriana: kahore ianei ahau i tono i a koe? Na ka mea tera ki a ia, Aue, e toku Afíki, ma te aha ahau e whakaora ai i a Iharaira? titiro, noku te hapu rawakore i roto i a Manahi, ko te iti rawa hoki ahau i roto i te whare o toku papa. Na ka mea a Ihowa ki a ia, Ko ahau ra hei hoa mou; a ka patua e koe nga Miriani, me te mea he tangata kotahi.” Kaiwhakaiterite 6:14-16

Hei inoi

- E te Atua hōmai ki a mātou tou aroha, kia puawai te whakapono o to mātou Kaahui Whakapono. Ka pono mātou ki tau i whakahau ai, ara, ‘ka tū kaha, ka tū maia; e kore e wehi, e kore hoki e pawera’. Hōmai ki a mātou tou tirohanga ki te ao ‘ko koe tena hei hoa mo mātou i ngā rā katoa’. (Hohua 1:9, Matiu 28)
- Hanga ki roto i a mātou te maumaharatanga o tou nui, ‘hira ake hoki o mātou hoa i o rātou hoa’. (2 Kiingi 6:16)
- E te Matua, murua o mātou hara mo tā mātou whirinaki ki to mātou ake māramatanga ki te ao. Murua o mātou hara mo tā mātou tirohanga whāiti, me tā mātou haupēhi i ngā tūmanako mo āpōpō na runga i ngā tūmanako i haupēhitia inanahi. Ka noho ana mātou i runga i te ngākau ripenetā, ka anga o mātou whatu–manawa ki a koe e inoi ana ki a koe mo tou māramatanga me tou kaha hoki.
- Ka tangi atu mātou ki a koe, ūhia tou korowai ki runga i a mātou kia tū Rangatira ai mātou i roto i te whakapono, mo ngā haerenga whakapono kei roto i ngā whatu–manawa o te hunga taiohi me ngā pakeke hoki. Arā anō hoki, he wā hou kia tū tika ai ou pononga ki ngā rautaki hou, ki ngā whakaohoo o te Wairua Tapu me te kaha hoki o te Atua e rere nei ki roto i a mātou.
- Ka kawē mātou i tēnei pono, ko te Atua te kaha, te whakamarumarū mo te Huihuinga o te Atua o Aotearoa. Ko ia te Atua o te Hauhake, ko ia to tātou kaitiaki ia pō, ia rā, e arahi ana e tohutohu ana i a mātou i roto i tō mātou haerenga whakapono, arā, ko te tapuwae me te mana o Te Huihuinga o te Atua i Aotearoa ka rangona whānuitia ki te motu hei te tau 2033.
- Pou whāinga ā–rohe/ā–motu/ki te ao: Whakapuakitia te manaakitanga me te riringi o Te Wairua Tapu ki runga i te rohe o Waikato. Tangi atu ki a ia kia tiaki, kia hiiritia a Pāhita Carolien raua ko Ray Moxham me ngā pāhita katoa o taua rohe. Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te mema Rūnanga a Pāhita Paul raua ko Pāhita Kerry Gordon.



“Otira whakatika, e tu ou waewae ki runga:

ko te mea tenei i puta ai ahau ki a koe, kia

**meinga koe hei kaimahi, hei kaiwhakaatu mo nga mea i kite nei
koe, mo nga mea ano e kitea ai ahau e koe. Ka whakaorangia koe i
te iwí, i nga Tauiwí, ka tonoa nei koe e ahau ki a ratou.”**

Ngā Mahi 26:16–17

Hei inoi

- E te Ariki e Ihu, ka whiwhi mātou i ou mahi kua mahia mo mātou. Kua whakapā koe i o mātou māngai ki te waro mura, ngarea ko mātou. Ka whakaae mātou ki te tūranga haepapa kua uhia ki runga i a mātou ou pononga kua karangatia ki roto i tou ingoa tapu.
- E noho ana mātou Te Huihuinga o Te Atua i runga i te ngākau māhaki, a, ka inoi atu mātou ki a koe.
- E noho ana mātou i runga i te ngākau māhaki, e kimi ana, e rapu ana i tou kanohi tapu. Ka huri mātou no ngā mahi kino, ngā mea katoa o te whenua nei, ngā mahi kikokiko, ngā mea kore wairua katoa o te rewera.
- Whakarongo ki te rangi i roto hoki i tou aroha noa. Tēnei mātou e karanga atu ana ki a koe mo rātou kua haere, kua ngarea. Murua o mātou hara, ā whakapaingia te whenua. Huakina ou whatu, ou taringa kia rongo ai koe i o mātou inoi.
- Ka tangi atu mātou kia ūhia e koe tou wairua mōhio mai i te rangi ki runga i ngā kaiarahi katoa o te Kaahui Whakapono, me te motu whānui. Te wairua mōhio o te Wairua Tapu. Nau anō i homai he mea mā, he mea rangimārie, he mea aroha, he mea ngāwari i ngā wā katoa, ā, he mea e taea te tuku tētahi ki tētahi. He mōhiotanga kua kii i te aroha me ngā hua o te mahi tika. He mohiotanga kaore e kitea he mōkai, ēngari ka kitea kētia tāna pono. (Hemi 3)
- Whakapuakitia te aranga mai o te hunga hohou rongo puta noa i te Kaahui Whakapono me Aotearoa nui tonu. Mā te hunga hohou rongo e whakato o ngā kākāno o te rangimārie kia nui te kotinga o āna mea tika.
- Pou whāinga ā-rohe/ā-motu/ki te ao: Whakapuakitia te manaakitanga me te riringi o Te Wairua Tapu ki runga i te rohe o Tāmaki Makaurau. Tangi atu ki a ia kia tiaki, kia hiiritia a Pāhita Binuraj raua ko Pāhita Chris Sola me ngā pāhita katoa o taua rohe. Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te mema Rūnanga me te Kaiarahi-ā-iwi o te motu o Tonga a Pāhita Anahina raua ko Pāhita Vosailangi Sikalu. Tangi atu ki a ia mo te rawa whānui mo ngā haahi Tonga puta noa i te motu, a tukuna ki te motu ngā kaihanganga haahi Tonga ki Aotearoa, kia tipu, kia rea. Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te Kaiarahi-ā-iwi o te motu o Inia a Pāhita Binuraj. Tangi atu ki a ia mo te rawa whānui mo ngā haahi Inia puta noa i te motu, a tukuna ki te motu ngā kaihanganga haahi Inia ki Aotearoa, kia tipu, kia rea.

Rāapa 08 Oketopa


Rā 17

“Na i Ramahiku tetahi akonga, ko Anania te ingoa; ka mea te Afiki ki a ia, he kite, E Anania. Ka mea tera, Tenei ahau, e te Afiki.

Ano ra ko te Afiki ki a ia, Whakatika, haere ki te ara e kiia nei ko Torotika, ka ui te whare o Hura mo tetahi ko Haora te ingoa, no Tarahu: na, kei te inoi ia. A kua kite ia i tetahi tangata, ko Anania te ingoa, e tomo mai ana, e whakapa ana i ona ringa ki a ia, kia kite ai ia.” Ngā Mahi 9:10–12

Hei inoi

- E te Matua tēnei mātou te whakawhētai atu ki a koe mo tou piri pono mai ki a mātou te Huihuinga o te Atua ki te Ao whānui; e whakawhētai ana mo tou aroha noa, mo tou whakakotahi i a mātou i roto i te tirohanga whānui arā, kia haere rua mai te ngahuru tangata o te Haahi hei te tau 2033. Ka anga tā matou titiro ki a koe, kia whakakaha koe i a mātou i roto i te whakapono kia puawai tou tapuwae ki te ao katoa.
- ‘Ka tangi atu mātou ki a koe mai i te motu nei o Aotearoa me te whakaae, “Ae! Kua rite, kōkiritia!”. E te Matua Nui i te Rangi, whakakahangia o mātou taringa kia rongo ai mātou i tou karanga, kia nui ake i te mānukanuka ā roto.
- E te Atua, hou mai ki roto i a mātou. Kua rongo mātou i tou reo karanga, ā, tēnei mātou e koropiko ana ki mua i tou aroaro. Tēnei mātou e tangi atu ana ki a koe, kia whakaumutia te motu ki te whakapono. Whakahaumanutia mātou e te Atua, “Ehara i te mea ma te uaua, ma te kaha, engari ma tou wairua.”
- Pou whāinga ā-rohe/ā-motu/ki te ao: Whakapuakitia te manaakitanga me te riringi o Te Wairua Tapu ki runga i Te Taitokerau. Tangi atu ki a ia kia tiaki, kia hiiritia a Pāhita Shaun Foster me ngā pāhita katoa o taua rohe. Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te Kaiarahi-ā-iwi o te motu o Whiti a Pāhita Solo raua ko Wati Stark. Tangi atu ki a ia mo te rawa whānui mo ngā haahi Whiti puta noa i te motu, a tukuna ki te motu ngā kaihanganga haahi Whiti ki Aotearoa, kia tipu, kia rea. Hikina ki roto i ou inoi Te Whare Wānanga o Alphacrucis College, whakapuakitia te manaakitanga me te whakarato o te Atua mo a rātou hiahia. Inoi atu ki a ia kia rongo ngā tauira mai i ia reanga, te karanga kia ako i ngā Karaipiture me te mana hoki o Te Wairua Tapu ki Alphacrucis. Inoi atu ki a ia kia piki ai te kaha, kia whakahohonutia te mātauranga, kia piki ake hoki te mohiotanga o te Kaiarahi-ā-motu Pāhita Leaana Kukutai me ngā kaimahi katoa o Alphacrucis i te aroha o te Atua.



“Ka mea ano a Ihu ki a ratou, Kia tau te rangímaríe ki a koutou: i tonoa mai ahau e te Matua, ka pera ano taku tono i a koutou. Ka korerotia tenei e ia, ka whakaha ia, ka mea ki a ratou, Kia fíro te Wairua Tapu i a koutou: Ki te whakarerea noatia e koutou nga hara o etahi, ka whakarerea o ratou; ki te whakamaua ano o etahi e koutou, ka mau ano.” Hone 20:21-23

Hei inoi

- E te Matua kua huakina o mātou whatu–manawa ki te whakakitenga kua uhia koe ki runga i a mātou, arā ko te “Ko tāna mana Whakahau — Ko tā matou Haerenga Whakapono” (MM33). Tēnei mātou e whakawhētai ana ki a koe mo tou whakakotahi i a ngā kaiarahi o ngā motu o te ao whānui o Te Huihuinga o Te Atua e whakaae ana kia hāpai ake i tēnei whakakitenga i roto i to rātou reo kotahi.
- Tēnei mātou te whakawhētai atu ki a koe mo tou whakatau i a mātou ki te ao nei, i roto i ngā taone, ngā pā me ngā iwi puta noa i te ao kia āhei ai mātou te huripoki i te ao.
- Ka inoi mātou kia waipuketia ngā haahi o te motu, me ngā takiwā o te motu ki tou aroha mutunga kore kia tipu ai mātou i roto i te matauranga me te māramatanga hoki. Kia tipu ai i te oneone o o mātou ngākau mähaki, he aronga ki ngā kaupapa whānui e piri pono ana ki tou ngākau. Kia ū ai mātou ki te whakapono, kia mā, kia hara kore tae noa ki te hokinga mai o te Karaiti.
- Tēnei mātou te whakawhētai ki koe te Wairua Tapu, te Wairua o te Haeranga Whakapono, te tapu, te mana, mo tou piri ki a mātou ki ngā wāhi kua tohungia kētia e koe mo mātou. Whakakahangia mātou, kia tū pakari i roto i te wairua o te ora, e kauhautia ana te ingoa o Ihu kia whakāturia tou Kiingitanga ki te mata o te whenua.
- Pou whāinga ā–rohe/ā–motu/ki te ao: Hikina ki roto i ou inoi ngā rangatahi me ngā tai tamariki o to mātou Kaahui Whakapono. Tangi atu ki a ia kia tū kaha, kia tū maia ngā uri whakatipuranga i Aotearoa. Kia maranga ake ngā hoia o te kaahui rangatahi, kia mura ai te Wairua Tapu, me te aroha o Ihu ki roto i o rātou whatu–manawa, kia toka tū ki ngā ākinga peruperu. Hikina ki roto i ou inoi a Pāhita Jamie raua ko Pāhita Rebekah Chapman, inoi atu ki a ia kia ūhia āna tōmairangi ki runga i a raua e arahi ana i te Kaahui Rangatahi o te Motu a ‘Fearless’ “Mātātoa”. Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te Kaiarahi–ā–iwi o te motu o Kuki Airani, me te Kaiwhakahaere Matua mo Ngā Hui a Pāhita Ani raua ko Reea Tanimataiti. Tangi atu ki a ia mo te rawa whānui mo ngā haahi Kuki Airani puta noa i te motu, a tukuna ki te motu ngā kaihangā haahi Kuki Airani ki Aotearoa, kia tipu, kia rea.

“Na i muhi i enei mea ka whakaitia e te Ahi etahi atu e whitu tekau, a tonoa ana ratou takirua, takirua, i mua i a ia ki nga pa katoa, ki nga wahi meake nei ia haere ki reira. I mea ano ia ki ratou, He nui te kotinga, ko nga kaimahi ia he ruarua: na inoi atu ki te Ahi nana te kotinga, kia tonoa e ia he kaimahi ki tana kotinga. Haere: nana, ka tonoa nei koutou e ahau, ano he reme ki waenganui o nga wuruhi. Kaua e mauria he takotoranga moni, kaua he putea, kaua he hu: kaua ano e oha atu ki tetahi ai te huarahi. Ki te tomo koutou ki tetahi whare, matua mea atu, Kia tau te rangimarie ki tenei whare. A ki te mea kei reira te tama a te rangimarie, ka tau ta koutou rangimarie ki a ia: ki te kahore, e hoki ano ki a koutou. Na hei taua whare koutou noho ai, kai ai, inu ai i ta ratou e homai ai: ka tika hoki te utu mo te kaimahi. Kaua e haereere i tenei whare ki tera whare. Ka tomo koutou ki tetahi pa, a ka manako ratou ki a koutou, kainga nga mea e whakatakotoria ana ma koutou: Me whakaora te hunga mate o reira, ka mea ki a ratou, Kua tata ki a koutou te rangatiratanga o te Atua.” Ruka 10:1-9

Hei inoi

- E te Ariki Ihu Karaiti ka inoi atu matou ki a koe kia rongo ou pononga o Te Huihuinga o te Atua o Aotearoa i te karanga o tou reo mo te hauhake ki nga patiti kua tohua kētia e koe mo matou. Ka tangi atu ki a koe kia mākere mai e koe he hau mihana puta noa i nga haahi katoa o te motu. Kia kite ai matou ko wai matou, he kaimahi matou kua karangatia, kua tohungia, kua ngarea.
- E te Atua e roa taihoa ana matou mo te puawaitanga nga hua o nga mahi, me te tipu hoki i roto i ta matou mohiotanga ki a koe e Te Ariki o nga haerenga whakapono. Kia whakanuia te kaha hei whakakaha mo matou, kia rite ki ta te mana o tona kororia, e u tonu ai, e whakamanawanui ai i runga i te hari; Me te whakawhetai atu ano ki te Matua, nana nei tatou i whai tikanga ai ki tetahi wahi o te kainga o te hunga tapu i roto i te marama. (Korohe 1)
- Pou whāinga ā-rohe/ā-motu/ki te ao: Hikina ki roto i ou inoi te Kaiarahi mo Te Kaahui Wairua ki nga Hapori a Pāhita Peter Tate i a ia e arahi ana i tenei Kaahui i roto i nga wahi mahi. Inoi atu ki a ia mo tana arahitanga i a matou i roto i nga waahi mahi, kia oho ake ona pononga o te motu ki te haerenga whakapono, me te hauhake wairua kei mua i a matou. Inoi atu ki a ia kia whakawātea nga waahi katoa o nga waahi mahi, nga waahi kai tahi, nga waahi inu wai katoa hoki, hei waahi e rongo ai ratou i te ingoa tapu o Ihu Karaiti i roto i te aroha. Inoi atu ki a ia kia tukuna mai e ia nga manaakitanga, te kaha, kia tiaki ā arahi hoki i te Kaiarahi-ā-iwi mo te motu o Korea a Pāhita Ho Min Kim. Tangi atu ki a ia mo te rawa whānui mo nga haahi Korean, a whakawhānuitia nga kaihanga haahi no te iwi o Korea ki Aotearoa.



“A, i a Ihu e haere ana i te taha o te moana

o Kafirí, ka kite ia i etahi tangata tokorua, he tuakana he teina, i a Haimona, tona ingoa nei ko Pita, raua ko tona teina ko Anaru, e maka ana i te kupenga ki te moana; he kaihao ika hoki raua. Na ka mea ia ki a raua, Arumia mai ahau, a maku korua e mea hei kaihao tangata. A mahue ake i a raua nga kupenga, a aru ana i a ia.” Matiu

4:18-20

Hei inoi

- E Te Ariki Ihu Karaiti tēnei mātou e koropiko ana, e whakawhētai ana ki a koe mo tou aroha me tau whakahau, “Haere mai, arumia mai ahau, ā māku koe e mea hei kaihao tangata”. Koinei taku whakahoki atu ki a koe, “Ae, ka whakaponu ahau ki a koe, ka mahue ake te ao tawhito, ki te hao tangata.”
- E te Matua Nui i Te Rangi whakakaa i te wairua o ou pononga inoi, o ou pononga manaaki kia mura. Kahore e mutu tā mātou karakia me tā mātou inoi, tētahi ki tētahi, kia whakakiia mātou ki te mohio ki tau e pai ai, i runga i ngā whakaaro nui katoa, i te mahara wairua ano hoki. (Korohe 1:9)
- E te Matua murua o mātou hara, i roto i tā mātou noho wahangū i te wā o te inoi, ā i roto hoki i tā matou mahi takitahi i te wā me toro atu mātou ki a koe. Tukuna mai tou māramatanga kia koropiko anō mātou ki mua i tou aroaro. Kei a koe e Pā te ingoa tapu rawa i te rangi me te whenua. Uhia tō hā ki runga i ou pononga kia mura ai te ahi o a rātou inoi, tētahi ki tētahi. Kia inoi tonu mātou, “Kia rite ki te nui rawa o tona kororia he homaitanga mana ki a koutou, kia pakari ai a roto i a koutou i te kaha o tona Wairua: Kia noho ai a te Karaiti ki roto ki o koutou ngakau, he mea whakaponu;” (Epeha 3)
- Ka inoi mātou mo Te Huihuinga o te Atua ki Aotearoa, kia ū ai ngā pakiaka ki roto i te aroha o Te Ariki, kia whai kaha, kia kotahi ai ngā pononga huri noa i te ao, kia mau ki te māramatanga o te aroha o Ihu Karaiti, tāna, whānui, tāna roa, tāna tiketike, tāna hōhōnutanga. Kia mōhio hoki mātou he nui ake tāna aroha i te mātauranga — kia kii ai mātou ki te nui o Te Ariki.
- Pou whāinga ā-rohe/ā-motu/ki te ao: Inoi atu ki a ia kia tukuna mai e ia ngā manaakitanga, te kaha, kia tiaki ā arahi hoki i te Hekeretari o te Motu me te Kaiarahi hoki mo te whakakitenga o MM33 a Pāhita Darren rāua ko Pāhita Sharon Gammie. Tukuna ngā reo whakawhētai mo Pāhita Darren me te Tari Matua o te Motu me ngā kaimahi katoa i reirā, a Ani, Sarah, Edwina, rātou for Angela. Inoi atu ki a ia mo tāna atawhai, tāna whakaaro nui, tāna kaha hoki i roto i ngā mahi kia hāpai i te whakawhiti kōrero kia kaha ai te whanaungatanga ki waenga i te tari me te motu whānui.

Rātapu 12 Oketopa

Rā 21

“Na, i te mutunga o tana korero ki a ratou, ka tangohia atu te Ariki a Ihu ki te rangi, a noho ana ki te ringa matau o te Atua. Na haere ana ratou, kauwhau ana i nga wahi katoa, me te mahi tahi ano te Ariki me ratou, me te whakau i te kupu ki nga tohu e whai ana i muri. Amine.” Maaka 16:19,20

Hei inoi

- E Te Ariki Ihu Karaiti kua hikina te mānuka kua hora ki mua i a mātou. E hari ana mātou mo āu whakaritenga. Ka tangi atu ki a koe, “Rāhiri mai!” e manako nui nei mātou mo tou hokinga mai, ka eke koe ki runga, kāore ou hoariri.
- Ka inoi atu nei mātou ki a koe, kia toro mai tou ringa kaha ki runga i a mātou mo ngā mahi kua wāwāhitia nei e koe mai i te orokohanganga mai o te ao.
- Ka whakapūmau tonutia mātou ... “ko te tapuwae me te mana o Te Huihuinga o te Atua i Aotearoa ka rangona whānuitia ki te motu nei o Aotearoa hei te tau 2033, ā, ka meinga hei puna waiora ki Aotearoa me ngā hāpori whānui o te motu.”
- Pou whāinga ā-rohe/ā-motu/ki te ao: Me inoi matou kia tae mai te wairua o Te Ariki ki Aotearoa, kia whakaora wairua kia rite anō ki tō te rangi. Kia tū ngā haahi i roto i te rangatiratanga kia oti pai ai i ngā mahi kua uhia ki runga i a rātou mai i a Ihu Karaiti... kia hangaia ngā ākonga e hihiko ana, kia puta ai rātou, ki ngā hāpori me ngā iwi katoa o te ao. Inoi atu ki a ia mo tāna manaakitanga, kaha, tiaki, ā, arahitanga mo ta mātou Kaiarahi Miihana mo te Ao a Pahita Terry Bradley.
- “Na, ki te mea kaha ki te tiaki i a koutou kei hinga, ki te whakatu hoki i a koutou ki te aroaro o tona kororia, he mea kohakore i runga i te hari whakarahahara, ki a ia, ko ia anake nei te Atua, ki to tatou Kaiwhakaora, i roto i a Ihu Karaiti, i to tatou Ariki, waiho atu i a ia te kororia, te nui, te kaha, te mana, i mua atu o nga wa katoa, aianeī, a ake ake. Amine.”



*heoi ki te whakaiti tāku iuī i
a rātou, kua karangatia nei
hoki tōku ingoa ki a rātou, ki
te īnoi, ā, ka rapu i tōku mata,
ka tahuī mai i ō rātou ara hē;
ka whakarongo mai ahau i te
rangi, ka muru i tō rātou hara,
ka whakaora i te mate o tō rātou
whenua. 2 Whakapapa 7:14*

Feedback

Thank you for praying for 21 Days.

The AGNZ Prayer Team would love to hear from you. Use the email address below to let us know your insights, thoughts and suggestions.

Email us at agnznationalprayer@gmail.com

Support

Our goal is to raise up an eco-system of prayer throughout the AGNZ movement and beyond. If you would like to help, we'd be grateful for your prayers and your financial support. Account details: name, 'AGNZ Prayer'. Number, 03-0196-0120003-001

Website

Website:- To learn more, find resources and get translations of this Guide in other languages, go to www.agnz.org/prayer-initiative